

nam sicut de numero captivorum quos cum Jechonia de Jerusalem in Babylonem transtulerat Nabuchodonosor. Esther autem tunc facile debuit habere 60 annos. Atqui neutrum horum videtur convenienter posse admitti; ergo, etc.

R. neg. min. Nam nullum est inconveniens quod tunc adeo senex fuerit Mardochæus. Sane Esdras, qui vixit usque ad tempora Artaxerxis Longimani, ut liquet ex I. Esdræ VII, tunc haud dubie multo senior fuit quam anno duodecimo Darii Hystaspis erat Mardochæus; siquidem Esdras fuit filius Saraiæ, qui Saraiæ anno undecimo Sedeciae fuit occisus a Nabuchodonosore, ut liquet ex IV Reg. XXV, 18 et 21. Quantum autem ad ætatem Estheris attinet, dico falsum esse quod illa anno duodecimo Darii Hystaspis debuerit habere 60 annos; nam ipsa in senectute Mardochæi facile nasci potuit ex fratre Mardochæi; ac proinde illo tempore ne quidem 30 annos habere debuit.

Inst. Esther non videtur fuisse filia fratri Mardochæi, sed filia fratri patris Mardochæi; et consequenter Mardochæus et Esther fuerunt patruelæ: ergo Esther anno duodecimo Darii Hystaspis multo plures quam 30 annos habuit.

Prob. ant. Quia licet nostra Vulgata cap. II, 7, habeat: *Qui fuit nutritius filiae fratris sui Edissæ, quæ altero nomine vocabatur Esther*, tamen ibidem vox *frater* non significat fratrem stricte dictum, sed juxta modum Scripturæ usitatum, significat consanguineum in genere. Et sic pater Estheris eodem sensu dictus frater Mardochæi, quo Abram dicitur frater Loth, Gen. XIII. Ratio vero hujus est, quod reliqui textus omnes cap. II hujus libri Mardochæum dicant fuisse *Edissæ* seu *Estheris patrualem*, non *patruum*: nam textus græcus habet: *Filia fratris patris sui*, chaldaeus et hebreus: *Filia patrui sui*. Ergo satis manifestum videtur quod nomen *fratris* in Vulgata nostra late accipendum sit; imo quod forsitan exciderit vox *patris*, ita ut primæva lectio fuerit: *Filia fratris patris sui*.

R. 1. neg. ant., et ad probationem ejus dico quod *frater* non possit accipi pro consanguineo in genere; nam quod pater Estheris fuerit frater germanus Mardochæi, satis clare habetur cap. VIII, 1, ubi Esther coram rege *confessa est quod esset (Mardochæus) patruus suus*. Cum igitur potius inherendum hic videatur nostra Vulgata quam aliis textibus, dicendum appareat quod Mardochæus non fuerit patruelæ, sed patruus reginæ Esther. Interim tamen etiam gratis dato quod Mardochæus et Esther fuerint patruelæ.

R. 2. inde nihil sequi contra nostram sententiam: quia imprimis pater Estheris potuit esse multo junior quam erat pater Mardochæi: et insuper Mardochæus potuit esse natus, dum pater ejus adhuc erat valde juvenis; Esther vero potuit tantum esse nata, dum pater ejus ad notabilem senectutem pervenerat. Et sic adhuc verum erit quod Esther esset valde juvenis dum Mardochæus erat valde senex. Sane quod

Mardochæus fuerit multo senior Esther, inde patet quod ipse fuerit ejus nutritius, eamque in filiam adoptaverit, quando utrumque parentem amiserat; ut dicitur cap. II, 7 et 15.

Obj. VI. Darius Hystaspes favit Judæis ab initio regni sui, maritus autem Esther non semper, sed tantum anno duodecimo. Præterea Darius Hystaspes, facta diligentij inquisitione, I. Esdræ VI, jussit aedificari templum Jerosolymitanum, et agnovi Judæos esse veros Dei cultores; quomodo ergo ille rex tam favorabilis Judæis potuisset dare decretum, ut omnes Judæi ad unum usque interficerentur?

Quare Esther, si Darius Hystaspes erat Assuerus pro salute Judæorum deprecans, ipsi non indicat gentem illam esse gentem Judæorum, nullius criminis ream, quam Aman morti adjudicaverat, cui tamen ipse rex paucis abbinc annis facultatem templi restaurandi a Cyro datam, sumptibus etiam ex area regia assignatis confirmaverat? Certe apud regem tam benevolum Judæis, non debebat Mardochæus nepti sua tam altum de gente sua judaica silentium imponere. Ergo Darius Hystaspes non videtur potuisse esse maritus Estheris.

R. Licet in libro Esther non habeatur quod maritus ejus faverit Judæis ab initio regni sui; tamen etiam id in eodem non negatur: et consequenter ex isto argumento, utpote pure negativo, nequaquam conclidi potest quod Darius Hystaspes non potuerit esse maritus Estheris. Etenim cum intentio auctoris libri Esther fuerit, ea solummodo describere quæ concernunt afflictionem populi judaici per impium Amanum attentatam, et ejusdem populi ex ista afflictione liberationem: mirum non est quod in historia Esther nulla fiat mentio de singulari illo favore quem ab initio, seu ab anno secundo, regni sui erga Judæos ostenderat Assuerus, seu Darius Hystaspes: quia illum favorem in memoriam revocare nullo modo concernebat illa quæ attinguntur in historia Esther.

Ad id vero quod additum est, scilicet quod rex ille, tam favorabilis Judæis, non potuisset dare decretum ut omnes Judæi ad unum usque interficerentur, respondeo negando assumptum: Quia hoc decretum, ab Amano per fraudem impetratum, tantum datum fuit anno duodecimo regni Assueri, ut liquet ex cap. III hujus libri. Cum igitur Assuerus putaret, quod Aman sibi fidelissimus esset, et hic ipsi retulisset quod populus judaicus ejus scita, seu mandata contemneret, ut habetur cap. III, 8: rursus nemini mirum videri debet quod rex ille, qui anno secundo regni sui Judæis valde favorabilis fuit, anno duodecimo permisit, ut Aman ipsius nomine daret et promulgaret decretum, ut Judæi ad unum usque interficerentur. Vide cap. XIII a versu 1 usque ad 7. Istud vero quod ulterius in argumento assumptum est, nempe quod Esther pro salute Judæorum deprecans, regi non indicaverit, gentem illam esse gentem Judæorum, nullius criminis ream, quam Aman morti adjudicaverat, verum non appetit:

nam quod Esther hoc saltem implicite ipsi indicaverit, satis clarum appareret ex capite VII, 4 et 6. Denique ad id, quod ultimo adjunctum est, nempe quod Mardochæus nepti sue non debuisset tam altum de gente sua judaica imponere silentium, rursus nego assumptum: quia cum hoc factum sit eo tempore quo prima vice ad conspectum regis adducta est Esther, recte ei præcepit Mardochæus ut taceret genus suum, ne tanquam ignobilis a rege rejiceretur. Si quidem Judæi, qui in provinciis regni Persarum habitant, reputabant tanquam captivi et servi; ut in caput II hujus libri observat Lyranus.

Obj. VII. De Amano hic cap. XVI, 14, dicit rex Assuerus: *Hoc cogitans, ut illis (Judæis) interfectis, insidiaretur nostræ solitudini, et regnum Persarum transferret in Macedonas*. Atqui Darius Hystaspes nullo modo timere poterat ne regnum Persarum transferretur in Macedonas, sed jure merito hoc timere potuit Artaxerxes Ochus; ergo non Darius Hystaspes, sed Artaxerxes Ochus fuit iste Assuerus de quo agitur in hoc libro.

Probatur minor pro prima parte: Post Darium Hystaspem, antequam Macedones per Alexandrum Magnum debellarent Persas, et totum eorum imperium macedonicum regno coniungerent, adhuc in Persia fuerunt reges decem; ergo Darius Hystaspes nou potuit timere ne in Macedones transferretur imperium Persarum.

Probatur minor pro secunda parte: quia post Artaxerxem Ochum tantum fluxerunt anni decem, quando regnum Persarum translatum est in Macedones, victo Dario Codomano per Alexandrum Magnum; ergo Ochus timere potuit ne regnum Persarum transferretur in Macedones.

Accedit, quod ante annum trigesimum Philippi,

patris Alexandri Magni, regnum Macedonum fuerit humile, et vix inter regna cognitum, ut testatur Curtius. Ergo Darius Hystaspes, qui pluribus annis regnavit ante tempora Philippi, non potuit timere ne in Macedones transferretur regnum Persarum, sed verisimilius id timuit Artaxerxes Ochus, qui antepenultimus fuit Persarum rex; adeoque ejus tempore contigit historia Esther.

R. neg. min. et conseq. Quia dolenter loquitur Assuerus in loco objecto de sua solitudine, per quam commode intelligi potest quod prolem masculinam non haberet ex prædicta sua uxore Esthere, quam faceret regni hereredem. Cum enim Vasthi esset repudiata, verisimiliter repudiatum etiam ex ea voluit a throno filium Xerxes, modo nasceretur alius ex Esthere. Quia vero Aman, qui nativitate erat Macedo, fautor inventus est duorum eunuchorum qui contra regem conspiraverant, merito potuit rex timere ne idem Aman vel regnum sibi usurpare vellet, vel occasio rege, tentaret transferre regnum in populares suos Macedones.

Porro licet circa initium regnantis Philippi humile fuerit regnum Macedonum, non sequitur quod semper tale fuerit, v. g., tempore Darii Hystaspis. Deinde licet semper humile fuisse; cogitare nihilominus potuit Aman, jam a rege exaltatus, et post ipsum primum locum obtinens, unico actu, occidendo scilicet regem, et sic imperando, summum dare imperium Macedonibus, ex quorum gente erat.

Denique etiam negari potest suppositum minoris, scilicet quod rex Assuerus timuerit ne Aman regnum Persarum transferret in Macedones. Nam prædicto capite XVI tantum dicitur quod Aman hoc facere intenderit; sed nullibi habetur quod rex timuerit ne idem contingat.

DILUCIDATIO IN UTRUMQUE LIBRUM MACHABÆORUM. Præfatio.

Libri Machabœorum tres adhuc circumferuntur, sed duo tantum priores auctoritatem canoniam habent, iisque soli jam in sacris bibliis exstant. Vocantur autem *Machabœorum*, non a septem illis martyribus, de quibus lib. II, cap. VII, sed a Juda, qui vocatus est *Machabœus*, ex eo quod vexillis, quibus in bello utebatur contra Antiochum, aliosque Judæorum et legis hostes, curaverit inscribi initiales literas harum vocum hebraicarum: *Mi Camoca Be Elim, Jehovah*, id est, *Quis similis tu in fortibus, Domine*; que verba exstant in cantico Moysis, Exod. XIV, 11. Solent enim Hebrei

primas litteras nominum colligere, et ex iis collectis vocem fingere compendii causa.

Porro hi duo libri exponunt statum Ecclesiæ Dei sub Græcorum monarchia. Quis vero eorum sit auctor secundarius, quidem non constat; sed tamen certum est, tum ex stylo, tum ex diversa suppuratione temporum, fuisse duos diversos qui duos hōs libros scripserunt; atque in eo conveniunt omnes. Primus liber juxta omnes proprie *liber* dicitur, secundus vero juxta Bellarminum et alios videtur potius dicenda *epistola quam liber*. Epistola hæc missa est ad Ju-

dæos in Aegypto habitantes, ut dum præmonerentur de festo Purgationis templi celebrando, et ad illud invitarentur, celebrarent et ipsi in Aegypto festum Scenopegiae: ad que festa celebranda, et persistendum fortius in observantia legis mosaicæ, in eadem epistola referuntur capitalia que istis temporibus circa gentem judaicam acta erant; unde et invenimus addita multa, que deerant in libro primo, et nonnulla fusi narrantur in libro secundo quam in

primo, et econverso. Quia vero in utroque substantia rerum gestarum describitur potius quam ordo historicus servatur, ut enucleatus seriem historicam per ordinem temporis quisque videre possit, atque ita contra hæreticos, multum his libris insultantes propter sacrificia pro defunctis oblata, authenticitatem hujus historiæ manutenere valeat, antequam ad alia accedamus, sit

BREVIS DISPOSITIO

HUJUS HISTORIÆ EX BINO LIBRO EXTRACTA.



Ne cogamur totum textum describere, semper tantum initialia et finalia verba ponemus, ubi progressur historia.

Proprie initium horum librorum, seu præfatio ad hanc historiam, habetur lib. II cap. II, 20, incipiendo ab his verbis: *De Juda vero Machabæo usque ad finem illius capitii.*

Sequitur ex lib. I cap. I, 1: *Et factum est usque ad versus 11 verba hæc: Regni Graecorum.*

Prosequitur historia per libri II cap. III et IV, usque ad versus 7 verba hæc: *Qui Nobilis appellatur.*

Tunc lib. I cap. I, 12: *In diebus illis usque ad 14: Abierunt ad regem.*

Sequitur libri II cap. IV, 7: *Ambiebat Jason usque ad 10: Quod cum rex annūisset, et obtinūisset principatum. Quibus verbis consonant illa quæ habentur lib. I cap. I, 14: Et dedit illis potestatem usque ad illa: Ut facerent justitiam gentium, et connectenda sunt illis quæ habentur lib. II cap. IV, 10: Statim ad gentilem ritum contributes suos transferre cœpit.*

Prosequitur lib. I cap. I, 15: *Et ædificaverunt usque ad hæc verba 16: Facerent malum.*

Deinde ex lib. II cap. IV, 11: *Et amotis his usque ad hæc verba capitii V, 1: Paravit in Aegyptum.*

Sequitur lib. I cap. I, 17: *Paratum est regnum usque ad 20: Accepit spolia terræ Aegypti.*

Sequitur ex lib. II cap. V, 2: *Contigit autem per universam Jerosolymam usque ad verba versus 11: Profectus ex Aegypti.*

Tunc lib. I cap. I, 21: *Et convertit usque ad 22: In multitudine gravi.*

Sequitur lib. II cap. V, 11: *Efferatis animis usque ad 16: Et contaminabat.*

Prosecutio hujus est lib. I cap. I, 23: *Et intravit in sanctificationem usque ad hæc verba versus 29: Induit confusionem.*

Deinde lib. II cap. V, 17: *Ita alienatus mente Antiochus usque ad 24: Cumque appositus esset contra Judeos. Verbis his subjungenda sunt ex lib. I cap. I, 30, hæc: Post duos annos misit rex principem tributorum (nempe Apollonium, Judæis maxime inuisum) in civitates Juda.*

Prosecutio hujus habetur lib. II cap. V, 24: *Cum exercitu viginti et duobus millibus usque ad hæc verba: Juvenes vendere.*

Tunc lib. I cap. I, 30: *Et venit Jerusalem usque ad verba versus 31: Crediderunt ei.*

Sequitur lib. II cap. V, 25: *Qui cum venisset Jerosolymam usque ad verba versus 26: Ingentem multititudinem peremit.*

Fusius hæc dicuntur lib. I cap. I, 32, per hæc verba: *Et irruit super civitatem usque ad finem capitii I: Et facta est ira magna super populum valde.*

Fit prosecutio lib. II cap. VI, 1: *Sed non post multum temporis usque ad versum 41 capitii VII: Novissime autem post filios et mater consumpta est.*

Prosecutio desumenda est ex lib. I cap. II, 1: *In diebus illis surrexit Mathathias usque ad versum 4 capitii III: Et surrexit Judas, qui vocabatur Machabæus, filius ejus pro eo.*

Tunc lib. II cap. VII, 42: *Igitur desacrificiis, et nimis crudelitatis salis dictum est. Illis subjunge ex lib. II cap. V, 27: Judas autem Machabæus usque ad finem capitii: Ne particeps esset coquinatio.*

Post hæc lib. II cap. VIII: *Judas vero Machabæus usque ad versum 7: Ubique diffundebatur.*

Prosecutio est lib. I cap. III, 7: *Et exacerbabat reges multos usque ad versum 37: Perambulabat superiores regiones.*

Libro II cap. VIII, 8: *Videns autem Philippus usque ad versum 9: In bellicis rebus experientissimo.*

Libro I cap. III, 38: *Et elegit Lysias usque ad versum 40: in terra campestri.*

Libro II, cap. VIII, 10: *Constituit autem Nicanor usque ad versum 11: Consecutura.*

Libro I cap. III, 41: *Et audierunt mercatores usque ad illa verba: Terræ alienigenarum.*

Libro II cap. VIII, 12: *Judas autem ubi comperit usque ad versum 15: Super ipsos.*

Prosecutio est lib. I cap. III, 42: *Et vidit Judas usque ad versum 53: Nisi tu, Deus, adjuves nos.*

Libro II cap. VIII, 16: *Convocatis autem usque ad versum 21: Pro legibus et patria mori parati.*

Prosequitur historia lib. I, cap. III, 54: *Et tubis clamaverunt usque ad versum 55: Et decuriones.*

Libro II, cap. VIII, 22: *Constituit itaque usque ad hæc verba versus 23: Lecto illis sancto libro.*

Libro I, cap. III, 56: *Et dixit his usque ad versum 15 capitii IV: Qui erant cum Juda.*

Libro II, cap. VIII, 23, ab his verbis: *Et dato signo, usque ad illa: Cum Nicanore.*

Libro I, cap. IV, 14: *Et congressi sunt usque ad versum 22: In campum alienigenarum.*

Libro II, cap. VIII, 24: *Et facto sibi adjutore Omnipotente usque ad versum 26: Non perseveraverunt in sequentes.*

Libro I, cap. IV, 23: *Et Judas reversus est ad spolia castrorum usque ad versum 25: Et facta est salus magna in Israel in die illa.*

Libro II, cap. VIII, 27: *Arma autem ipsorum, et spolia congregantes usque ad finem capitii: Ab ipso constitutas.*

Prosecutio habetur lib. I, cap. IV, 26: *Quicumque autem alienigenarum evaserunt usque ad versum 4 capitii VI: Et reversus est in Babyloniam.*

Libro II, cap. IX, 1: *Eodem tempore Antiochus usque ad hæc verba versus 3: Et cum venisset circa Ecbatanam.*

Libro I, cap. VI, 5: *Et venit qui nuntiaret usque ad hæc verba versus 8: Et commotus est valde.*

Libro II, cap. IX, 3: *Recognovit usque ad versum 6: Nullo modo a malitia sua cessaret.*

Libro I, cap. VI, 3: *Et decidit in lectum usque ad: Sicut cogitabat.*

Tunc lib. II, cap. IX, 7: *Super hoc autem superbia repletus usque ad versum 10: Eum nemo poterat propter intolerantiam fœtoris portare.*

Libro I, cap. VI, 9: *Et erat illic per dies multos usque ad versum 15: Et regnaret.*

Libro II, cap. IX, 11: *Hinc igitur cœpit usque ad versum 28: Miserabilis obitus vita functus est.*

Libro I, cap. VI, 16: *Et mortuus est illic Antiochus rex anno centesimo quadragesimo nono.*

Libro II, cap. IX, 29: *Transferabat autem corpus usque ad versum 9 capitii X: Et Antiochi quidem, qui appellatus est Nobilis, vitæ excessus ita se habuit.*

Libro I, cap. VI, 17: *Et cognovit Lysias, quoniam mortuus est rex usque ad: Nomen ejus Eupator.*

Libro II, cap. X, 10: *Nunc autem de Eupatore Antiochi impii filio usque ad finem capitii 12: A peccatis solvantur.*

Libro I, cap. VI, 18: *Et hi qui erant in arce usque ad versum 30: Docti ad prælium.*

Libro II, cap. XIII, 1: *Anno centesimo, quadragesimo nono usque ad versum 14: Civibus starent.*

Libro I, cap. VI, 31: *Et venerunt usque ad versum 32: Contra castra regis. Illi subjungenda sunt hæc verba lib. II, cap. XIII, 14: Circa Modin exercitum constituit.*

Tunc fit prosecutio lib. I, cap. VI, 33: *Et surrexit rex usque ad versum 42: In prælium.*

Libro II, cap. XIII, 15: *Et dato signo usque ad hæc verba: Audam regiam.*

Libro I, cap. VI, 42: *Et cederunt usque ad versum 46: Et mortuus est illic.*

Libro II, cap. XIII, 15: *In castris usque ad versum 16: Castra replentes.*

Libro I, cap. VI, 47: *Et videntes usque ad illa verba: Diverterunt se ab iis.*

Libro II, cap. XIII, 16: *Rebus prospere gestis usque ad versum 17: Protectione.*

Libro I, cap. VI, 48: *Castra autem regis usque ad illa verba: Montem Sion.*

Libro II, cap. XIII, 18: *Sed rex usque ad versum 22: Dextram dedit: accepit.*

Libro I, cap. VI, 49: *Et fecit pacem usque ad versum 54: In locum suum. Jam subjungenda sunt hæc verba lib. II, cap. XIII, 23: Commisit cum Juda, superatus est.*

Libro I, cap. VI, 55: *Et audivit Lysias usque ad versum 60: Misit ad eos pacem facere.*

Libro II, cap. XIII, 23: *Ut autem cognovit usque ad illa verba: Quibus justum visum est.*

Libro I, cap. VI, 60: *Et receperunt illam usque ad versum 61: De munitione.*

Libro II, cap. XIII, ab his verbis: *Et reconciliatus usque ad versum 24: Ducem et principem.*

Libro I, cap. VI, 62: *Et intravit rex usque ad versum 63: Reversus est Antiochiam.*

Libro II, cap. XIII, 25: *Ut autem venit Ptolemaidem usque ad finem capitii: Reditus processit.*

Libro I, cap. VI, 63: *Et invenit Philippum usque ad finem capitii: Occupavit civitatem.*

Libro II, cap. XIV, 1: *Sed post trienni tempus cognovit Judas usque ad versum 2: Ducem ejus Lysiam.*

Libro I, cap. VII, 1: *Anno centesimo quinquagesimo primo usque ad versum 5: Volebat fieri sacerdos.*

Libro II, cap. XIV, 3: *Alcimus autem quidam usque ad versum 11: Inflammaverunt Demetrium.*

Libro I, cap. VII, 6: *Et accusaverunt populum usque ad versum 25: Accusavit eos multis criminibus. His subjungenda sunt immediate ex lib. II, cap. XIV, 12 hæc verba: Qui statim Nicanorem præpositum elephatorum ducem. Et tunc annexenda sunt hæc verba ex lib. I, cap. VII, 26: Unum ex principibus usque ad: Contra Israel.*

Libro II, cap. XIV, 12: *Misit in Judæam usque ad versum 31: A viro præventum.*

Libro I, cap. VII, 27: *Misit ad Judam usque ad versum 34: Locutus est superbe.*

Libro II, cap. XIV, 31: *Et sacerdotibus usque ad versum 35: Patri consecrabo.*

Libro I, cap. VII, 55: *Et juravit usque ad versum 58: Ut permaneant.*

Libro II, cap. XIV, 34: *Sacerdotes autem usque ad versum 6: Statuere de Juda.*

Libro I, cap. VII, 59: *Et exit Nicanor usque ad illa verba: Occurrerit illi exercitus Syriæ.*

Libro II, cap. XV, 7: *Machabæus autem semper confidebat usque ad versum 19: Qui congressi erant, (Trente-huit.)*

